


BIBL. NAZIONALE  
CENTRALE-FIRENZE

1357

25





1357.25

# VINCILIATÆ CASTRVM

CONSTANTINI GIVNTINI

DISTICHA



1357  
25

# VINCILIATÆ CASTRVM

CONSTANTINI GIVNTINI

DISTICHA





PRÆSTANTISSIMO VIRO

# JOANNI TEMPLE LEADER

HOC BREVE ET MISERVM CARMEN

LVDICRIS HORIS ET INTERRUPTÆ CONGESTVM

SED BENIGNE SVO DESIDERIO HONESTATVM

CONSTANTINVS GIVNTINVS

OBSEQUENTI ANIMO

O.





**F**elix, divitias, qui recte impendere partas  
 Egregius studuit, captus amore boni.  
 Iste quidem sapiens, prudens ac nobilis heros,  
 Cui vincens ævum gloria summa manet.  
 5 Pars et equis, rhedis, choreis ac lusibus, omnem  
 Insumit vitam, sive paterna bona.  
 Pars autem, quorum melior sententia menti,  
 Virtutem quærit, dum bene ponit opes.  
 Collibus in nostris, quos circum Flora decorat,  
 10 Flora decus patriæ, splendor in orbe nitens :  
 Est urbe egressis tumulus, castrumque vetustum,  
 Jampridem validum, tempore pene cadens.  
 Sed quasi prodigia, rursus caput extulit altum,  
 Eximiâ Domini Munificentis ope.  
 15 Structum antiquitus, vertente ætate relictum,  
 Sensim concutitur, mole ruitque suâ.  
 Omne solum tegitur dumis altisque ruinis,  
 Una tremens turris fulmine fracta stetit.

- Hic bufo, mures, angues, hic noctua stridet,  
20. Quæ, vanum vulgus, monstra strigesque timet.  
Quis lumen viderat, quis spectrum veste cruentâ,  
Vel strepitum sensit, sive graves gemitus.  
Agricolæ interea magni portenta timoris  
Augebant trepidi : credula plebs tremuit.  
25 A longe per noctem circumiere pavore,  
Ne quasset subitus frigida membra tremor.  
At pueri ignari, vani quandoque pericli,  
Maceries lustrant, saxaque versa ruunt.  
Sic altus puteus, sic ima anfracta replentur  
30 Percussa ut referant antra sinu gemitum.  
Et quod non hostes, vel quod non efficit ætas,  
Fecere incaute, perque jocum pueri.  
Dum olim hos per colles venando leniter ibam,  
Huc, me, visendi rudera, duxit amor.  
35 Ardens ascendo tumulum, scandoque ruinas:  
Cunctaque respicio tecta subacta solo.  
Undique disjectas moles, avulsaque saxa,  
Confractos lapides, undique congeries.  
Tantum inter rimas serpebat sordida malva,  
40 Squalentes frutices, luxuriante rubo.  
Tempus erat quo Fœbus vastum ambitus Olympum,  
Incumbens pelago, fræna relaxat equis;  
Tum campana procul tintinnans mœsta videtur  
Functum flere diem, voce rogare Deum.  
45 Et regnare quies cum toto inceperit orbe,  
Cordibus alma venit grataque mœstitia.  
Horâ illoque loco, dudum meditabar inanem  
Mundi splendorem, cunctaque vana sui,  
Sistens ut Marius super Carthaginis oras,  
50 Sic, memini, vates carmine quod cecinit: —  
Alta jacet Carthago, sed vix signa suarum  
Celsa ruinarum, litus inane tenet.

Intereunt urbes, moriuntur regna, superbum

Fastum vel pompam, gramen, arena tegit.

55 Eloquar an sileam quæque ipse miserrima vidi ?

Quæque ipse audiui, quis mihi crediderit ?

Vix ea fatus eram, quando mihi visa repente,

Insidens saxo, sic pueri umbra gemens: —

Quis mihi leniet altum post tot fata dolorem ?

60 Quis misero tandem triste levabit onus ?

Per superos oro, per sacri numen amoris,

Ah ! miserere animi, qui nimis atra tulit.

Exoriare aliquis nostris ex fletibus ultor,

Qui me restitues in decus omne meum. —

65 Attonitus quis sit quæro, et quæ causa doloris ?

Sum castri Genius ; dixit, et umbra fugit.

Territus aspectu, deserto in litore, solus

Evinctus dictis, corde dolente steti.

At nox sidereo late circumdata peplo

70 Montibus ex altis, nigra celerque cadit.

Tum pulsus tenebris, ægre deserta reliqui

Castra dolens, pueri, pectore verba gerens.

Inde usque optavi per mœnia tectaque sarta,

Illius ut finem posset habere dolor.

75 Optans ista diu, mea semper vota fuere :

Excepit tandem fervida vota Deus.

Post aliquot menses, si quis spectaret ad Arctos,

Inter Fesuleum Septimiumque jugum,

Qua pridem albebant veteres sparsæque ruinæ,

80 Tigna erecta in opus cernit, et artifices.

Nam quidam Dominus dives, ditissimus immo,

Qui quam dives opum, ditior est animo,

Unde novæ patriæ magis obsequeretur et Urbi,

Exegit facinus fortiter egregium.

85 Dirutum emit castrum, quod neglexere profani,

Nunc ornans colles excitat invidiam.

- Undique materies ciet, artificesque peritos :  
 Structore, ah ! nuper, quem fera mors rapuit.  
 Accingunt omnes operi, celerique labore,  
 90      Assidui complent plurima, magna, brevi.  
 Quis primum incendit repres, quis rudera pellit,  
         Fundamenta fodit, saxa trabesque parat.  
 Magnâ vi lapides fabrilia scalpra retundunt,  
         Ictibus infringunt : pondere terra tremit.  
 95      Fervet opus, resonant confuso murmure circum  
         Valles Fesuleæ, montis et antra cava.  
 Viribus unitis, jam, jam protendere in altum  
         Incipiunt turres, mœnia, tecta domus.  
 Undique visendi studio concurrit ad arcem,  
 100      Artis Flora novo percita prodigio.  
 Obstupuere animi, rumorque increscit eundo :  
         Advocat alta ferens, undique fama volans.  
 Celtiber, huc Francus, Germanus, Belga, Britannus,  
         Omnibus ex orbis partibus hospes adest.  
 105      Huc et ego accitus, communi ardore videndi,  
         Una cum sociis jam nova castra peto.  
 Per latam facilemque viam conscendere juvat,  
         Crescentes frutices, culta videre loca.  
 Nam vitis vegetat, pinus, cyparissus et ulmus,  
 110      Qua vel nuda silex, vel rubus asper erat.  
 Dum collem ascensu supero, qua plurimus Urbi  
         Imminet, ecce senem pone sedere viam ;  
 Prolixam barbam, perfusos pulvere crines,  
         Squalentem vestem, grata sed ora gerens.  
 115      Comiter assurgit, dictisque affatur amicis : —  
         Non vos, me, vobis dicere : Ave, pigeat.  
 Vos, ni fallor, amici sartam invisitis arcem :  
         Pergite felices, jam prope limen adest.  
 Si tantam optatis cursu contingere metam,  
 120      Pergratum studium, dulcæ levamen erit.

Vivat, qui dignatus priscam attollere molem ;

Sic delere vetus, triste nefas valuit. —

Tum vero ardemus scitari, et quærere quali

Allusit sceleri: sic ait ore gravi: —

125 Quis cœcam rabiem, quis cladem et funera fando

Tardosque angores, temperet a lacrymis ?

Heu miser atroci qui cœcâ incenditur irâ !

Sero, sed incassum tristia damna dolet.

Hæc loca vi quondam circum regnata potenti,

130 Hæc arx hospitium grande dedere sibi.

Per montes, solitus venando degere vitam,

Tarde aut incerto rure redibat herus.

Exigit ut festis expectet seque sacerdos,

Nec sacrum celebret, donec et ipse venit.

135 Indulget pastor; sed respectare morantem

Fessâ plebe diu, munera sacra facit.

Expleto divini necdum altaris honore,

Adestat venator, pene furore furens,

Dentibus infrendens, gemitu graviora minatur,

140 Et probra agglomerans, horrida dicta vomit.

Nec reverens fanum, nec sacri dona Ministri,

Contra illum explodit quæ gerit arma manu.

Missilis igne globus, fungenti, pectus, ad aram

Perforat; hic animam, pace, precatus agit.

145 Perpetrare malum facile; at reparare ruinas,

Hic opus, hic labor est:..... Væ furiose tibi !

Post factum, incautæ noscuntur pondera culpæ,

Post mala sic plures irreparanda gemunt.

Victimæ adhuc sanguis fumabat, cum subit iræ,

150 Cura, dolor curæ, cumque dolore pavor.

Ut sævâ quandoque Cain agitatus erinni

Angitur infelix, horrida spectra videns.

Intima vox animi tum clamat dira paventi:

Heu ! fuge; terra negat ferre cruenta feram.

- 155 Sic execratus, metuens hominumque Deique  
Justitiam meritam, suppliciumque suum,  
Mox gazas cumulat, condit puteo, et propere se  
Proripit a patriâ, semper ubique miser.  
Infelix, exul qui culpâ expellitur atrâ:
- 160 Extorri est angor sævior exilio.  
Sic homicidæ castrum exinde horrore relictum,  
Tristis heri culpæ pondere, pene ruit. —  
Talia fundens fletu, nos comitatur ad arcem;  
Inde, vale dicens, mœstus iter sequitur.
- 165 Jam legimus muros, et portæ sistimus altæ,  
Quæ cito stridenti cardine versa patet.  
« Apparet domus intus, et atria longa patescunt, »  
Scala, columnæ, arcus, turris et os putei.  
Tum comis custos præstanti monstrat honore
- 170 Jam expletas ades, ac pretiosa bona.  
Quanta quidem potuit perquiri antiqua supellex  
Ornatura domos, huc bene gesta nitet.  
Tum primum veteri sarcitam more coquinam  
Vidimus, atque larem vasaque prisca casæ.
- 175 Hic pateræ, pelves, patinæ, genus omne patellæ,  
Hic scyphus, olla, lebes, amphora cum poculis.  
Panditur annosum picturis, grande, severum,  
Triclinium: decorant mensa, lucerna, torus.  
Sævum si quis amet Martem, dein arma vetusta
- 180 Cuiusvis sæcli discriminata videt.  
Enses, arcum, hastas, loricas, cultra, sagittas,  
Balistas, clavas, scuta, ocreas, galeas.  
Quod vero mentes miratas perculit omnes,  
Divo Bernardo cella dicata fuit.
- 185 Nam paries circum depictus, maxima vitæ  
Gesta viri præbet; summi opus artificis.  
A muro jam delabente, novâ arte colores  
Traducti, has ædes mirifice decorant.

Scandimus interea summæ fastigia turris :

190 Cernitur ictu oculi totaque desuper arx;  
Quam e sublimi vertice dulce videre venustas  
Almæ Floræ ædes, ruraque plena rosis !  
Aspice nempe gigas ut surgat ad ætera fornix  
Majoris templi; quo nihil egregius !

195 Quæ solis radios reflectit vivida lympha  
Fertilis est Arnus, qui mediâ urbe fluit.  
Turris in alto, ripis, contusa ictibus, adstans;  
Pro patria valuit, castra inimica nocens.

Quæ in monte assurgit septem de parte trionum  
200 Arx Sillana fuit, sic ea fama volat.  
Quæ villa inter olivas colle emergit Eoo  
Est celebris satyro, sed magis artifice.  
Infra, hilari acclivo, qua horarum machina tinnit;  
Vir rurat præstans sanguine, mente, modis.

205 Quæ tandem Majani alte turrita renidet,  
Sospitet egregium, qui hoc bene complet opus.  
Postquam dulcia rura et vasta aspeximus arva,  
Turri desiluit quisque, sed ire dolens.

Ut puer a ludis pede lento et corde recedit,  
210 Sic æde eximiâ cedere displicuit.  
Attamen illecti media consedimus arce,  
Qua genialem umbram porticus alta pluit.

Rursus opus laudatur grande, scopusque laboris,  
Auctoremque etiam scire laboris avent.  
215 Tunc hortor fari, distinctâ pandere laude,  
Tantus Mecœnas artibus ille quis est.

Conticuere omnes, intentisque auribus adstant:  
Inde animo cœpi grata referre libens. —  
Vos gratum optatis merito renovare tributum;  
220 Ast audere nimis grandia nescit iners.  
Sed si tantus amor, tantam cognoscere mentem,  
Pauca tot inter, ego, quæ mihi nota, loquar.

- Sub cœlum Hesperiae concurrunt undique amœnum,  
Nec non sæpe mali, vero aliquando boni.
- 225 Inter et hos venit generosus sorte Britannus:  
Moles ista refert quam probus et locuples.  
Dum vero, bene curat opes impendere vastas,  
Rura, arva, ædes et prædia restituens,  
Sic patriæ nostræ veros providit honores,
- 230 Esurienti panem, artibus auxilium. .  
Is bene de patriâ meret, is bene dignus amari,  
Qui solers nostrum juge decus studuit.  
Pro illius famâ narratu plurima restant,  
Sed breviter dicam nomine, cuncta, Viri.
- 235 Iste hospes meritus, qui nobis tanta decora  
Attulit, est locuples egregiusque LIDER.  
Vivat is ergo vivat, et omni tempore felix,  
Donet Ei semper prospera cuncta, Deus.  
Usque in corde suo cœlestis gratia regnet:
- 240 In sano sospes, corpore, mens vigeat.  
Ad multos annos possit producere vitam  
Pro se, proque suis, artibus et patriæ. —  
Dixeram, et extemplo cœtus conclamat amicus: —  
Laude quidem dignus, dignus amore LIDER.





